

Eric Zaandam ta lamenta cu Meta di gobierno no ta pa combati criminalidad

ORANJESTAD (AAN) – Vocero di Sindicato di Polis sr. Eric Zaandam, manera por a ripara den un prome articulo den Matutino DIARIO, a baha pisa riba e sistema con gobierno ta atende e presupuesto pa KPA, specialmente e fondonan pa combati criminalidad, mirando cu seguridad pa nos pueblo a baha casi na cero.

Zaandam ta haya cu gobierno mester busca un forma pa combati y preveni e desaroyo di criminalidad na Aruba, y duna pueblo e seguridad cu e merece; lague nota den su bario cu polis ta core rond atrobe, cu nan por yama polis mesora cu nan wak cosnan sospechoso ta cana rond.

E dirigente sindical di SPA tambe a scucha for di Comisario Dompig mes cu atrobe e presupuesto di KPA a baha. E ta lamenta cu no ta worde papia di con ta bay combati criminalidad, pero con nan a logra di baha overtime pa polis, comosifuera esey ta e meta envez cu e meta ta combati criminalidad.

Wak con pa logra combati y preveni delincuencia mester ta e meta di gobierno, y no yega papia na mesa cu nan a logra di baha overtime di polis, comosifuera esey ta prioridad. Segun Zaandam ora cu cierto hende no tin amor pa e trabao di polis, cosnan ta bay robes den Cuerpo Policial, y esaki ta e problemanan cu nan tin awor. Pero apesar di esaki, KPA ta trahando cu alma y



curpa cu e tiki material cu nan tin, pa duna nan servicio manera mester ta.

E lider sindical a agrega cu for di medionan di comunicacion SPA a haya sa con nan ta buscando polisnan di Aruba pa bay traha na otro camindanan, entre otro Bonaire y Sint Maarten. Esaki ta muestra cu nos polisnan ta disciplina, y cu nan ta integro.

Pero na Aruba tin un minister di husticia cu ta bisa "mester pone mas respet den KPA".

El a cuestiona e hecho cu e mandatario a laga sa cu e polisnan cu ta bay Bonaire of Sint Maarten, zorg pa nan bira ambtenaar ayanan, comosifuera e lo no tuma nan back na Aruba.

Zaandam no ta compronde di con, si e mes minister ta bisa

cu polis no tin disciplina ni respet, pero otro paisnan si kier tuma e polisnan aki, pasobra ta na Aruba nan ta sigui busca y no otro caminda. Pasobra nan sa cu e polisnan di Aruba ta

funciona manera mester ta. Presidente di SPA a papia di un viahe pa Curacao cu muy pronto un delegacion ta bay haci, pa asina papia cu e sindicato na Curacao pa ora nan ricibi polisnan for di

Aruba, esaki sosode manera mester ta, pa nan zorg pa regla nan asuntonan bon, y SPA ta keda para nan tras pa nan busca nan futuro, manera tur hende tin derecho di haci.

Ningun hende kier bira presidente....

Presidente di Asociacion di especialista a retira

ORANJESTAD(AAN):

Kizas miedo di persecucion di minister Booshi Wever y AZV a haci cu practicamente e asociacion di especialista ta sangrando y muriendo.

Noticia cu a yega cerca nos ta bisa cu Dermatologo Nuris Lampe a tuma su retiro como presidente for di e asociacion di especialista.

Nos a tuma contacto cu dr Nuris Lampe kende a splica cu e decision ta puramente

personal aunke el a pasa y ta pasando tambe un hard time cu su posicion como profesional na man di AZV.

Kizas si e asociacion di especialista y su miembronan tabata mas uni cos por tabata otro, pero awe pa miedo y kizas tambe pa motibo di amistad politico tog kizas tin cu ta prefera di tuma loke AZV duna.

Den e combersacion cu dr Nuris lampe el a splica nos

cu masha dia nan no a sinta mas y parece cu no tin ningun colega cu kier tuma e responsabilidad di presidencia di Asociacion di especialista.

Kizas esey nifica cu e asociacion di especialista ta sangrando y muriendo?

E indicacion cu bo ta haya ta cu tur hende a haya miedo di e manera cu AZV ta trata nan y parece cu minister Booshi Wever tin hopi di bisa den henter esaki..

AKI NO TIN TAXHOLIDAY!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

SALE

Hopi
Pronkstuk,
Dolfijn y
Olifanti na
**50% di
descuento.**